


171  
2

瑜伽戒本

東 京 圖 書 館				漢 書 門
一 冊	二 號	四 架	三 函	
家類				



菩薩戒經 彌勒菩薩說

唐三藏法師玄奘奉 詔譯

若諸菩薩已受菩薩所受淨戒應自數數專  
思惟此是菩薩正所應作此非菩薩正所  
應作既思惟已然後為成正所作業當勤修  
學又應專勵聽聞菩薩素咀纜藏及以菩薩  
摩咀理迦隨其所聞當勤修學  
若諸菩薩住戒律儀有其四種他勝處法何

等爲四

貪求利敬讚毀戒第一

若諸菩薩爲欲貪求利養恭敬自讚毀他是名第一他勝處法

性慳財法不施戒第二

若諸菩薩現有資財性慳財故有苦有貧無依無怙正求財者來現在前不起哀憐而修惠捨正求法者來現在前性慳法故雖現有

法而不給施是名第二他勝處法

長養忿纏不捨戒第三

若諸菩薩長養如是種類忿纏由是因緣不唯發起麁言便息由忿蔽故加以手足塊石刀杖捶打傷害損惱有情內懷猛利忿恨意樂有所違犯他來諫謝不受不忍不捨怨結是名第三他勝處法

愛樂像似正法戒第四

若諸菩薩謗菩薩藏愛樂宣說開示建立像  
似正法於像似法或自信解或隨他轉是名  
第四他勝處法如是名為菩薩四種他勝處  
法

菩薩於四他勝處法隨犯一種況犯一切不  
復堪能於現法中增長攝受菩薩廣大菩提  
資糧不復堪能於現法中意樂清淨是即名  
為相似菩薩非真菩薩菩薩若用軟中品纏

毀犯四種他勝處法不捨菩薩淨戒律儀上  
品纏犯即名為捨若諸菩薩毀犯四種他勝  
處法數數現行都無慚愧深生愛樂見是功  
德當知說名上品纏犯非諸菩薩暫一現行  
他勝處法便捨菩薩淨戒律儀如諸苾芻犯  
他勝法即便棄捨別解脫戒若諸菩薩由此  
毀犯棄捨菩薩淨戒律儀於現法中堪任更  
受非不堪任如苾芻住別解脫戒犯他勝法

於現法中不任更受

如是菩薩安住菩薩淨戒律儀於有違犯及無違犯是深非深輕中上品應當了知

不供禮讚三寶戒第一

若諸菩薩安住菩薩淨戒律儀於日日中若於如來或爲如來造制多所若於正法或爲正法造經卷所謂諸菩薩素咀纜藏摩咀理迦若於僧伽謂十方界已入大地諸菩薩衆

若不以其或少或多諸供養具而爲供養下至以身一拜禮敬下至以語一四句頌讚佛法僧真實功德下至以心一清淨信隨念三寶真實功德空度日夜是名有犯有所違越若不恭敬懶惰懈怠而違犯者是深違犯若誤失念而違犯者非深違犯無違犯者謂心狂亂若已證入淨意樂地常無違犯由得清淨意樂菩薩譬如已得證淨苾芻恒時法尒

於佛法僧以勝供具承事供養

利養恭敬生著戒第二

若諸菩薩安住菩薩淨戒律儀有其大欲而無喜足於諸利養及以恭敬生著不捨是名有犯有所違越是染違犯無違犯者謂為斷彼生起樂欲發動精進攝彼對治雖勤遮遏而為猛利性惑所蔽數起現行

不敬耆長有德戒第三

若諸菩薩安住菩薩淨戒律儀見諸耆長有德可敬同法者來憍慢所制懷嫌恨心懷恚惱心不起承迎不推勝座若有他來語言談論慶慰請問憍慢所制懷嫌恨心懷恚惱心不稱正理發言酬對是名有犯有所違越是染違犯非憍慢制無嫌恨心無恚惱心但由懶惰懈怠忘念無記之心是名有犯有所違越非染違犯無違犯者謂遭重病或心狂亂

或自睡眠他生覺想而來親附語言談論慶  
慰請問或自爲他宣說諸法論義決擇或復  
與餘談論慶慰或他說法論義決擇屬耳而  
聽或有違犯說正法者爲欲將護說法者心  
或欲方便調彼伏彼出不善處安立善處或  
護僧制或爲將護多有情心而不酬對皆無  
違犯

憍慢不受請施戒第四

若諸菩薩安住菩薩淨戒律儀他來延請或  
往居家或往餘寺奉施飲食及衣服等諸資  
生具憍慢所制懷嫌恨心懷恚惱心不至其  
所不受所請是名有犯有所違越是染違犯  
若由懶惰懈怠忘念無記之心不至其所不  
受所請是名有犯有所違越非染違犯無違  
犯者或有疾病或無氣力或心狂亂或處懸  
遠或道有怖或欲方便調彼伏彼出不善處

安立善處或餘先請或爲無間修諸善法欲  
護善品令無暫廢或爲引攝未曾有義或爲  
所聞法義無退如爲所聞法義無退論義決  
擇當知亦尔或復知彼懷損惱心詐來延請  
或爲護他多嫌恨心或護僧制不至其所不  
受所請皆無違犯

嫌恨不受重寶戒第五

若諸菩薩安住菩薩淨戒律儀佗持種種生

色可染未尼眞珠琉璃等寶及持種種衆多  
上妙財利供具殷懃奉施由嫌恨心或恚惱  
心違拒不受是名有犯有所違越是染違犯  
捨有情故若由懶惰懈怠忘念無記之心違  
拒不受是名有犯有所違越非染違犯無違  
犯者或心狂乱或觀受已心生染著或觀後  
時彼定追悔或復知彼於施迷乱或知施主  
隨捨隨受由是因緣定當貧匱或知此物是



僧伽物窳堵波物或知此物劫盜他得或知此物由是因緣多生過患或殺或縛或罰或黜或嫌或責違拒不受皆無違犯

嫌恨不施其法戒第六

若諸菩薩安住菩薩淨戒律儀他來求法懷嫌恨心懷恚惱心嫉妬變異不施其法是有犯有所違越是染違犯若由懶惰懈怠忘念無記之心不施其法是有犯有所違越

非染違犯無違犯者謂諸外道伺求過短或有重病或心狂亂或欲方便調彼伏彼出不善處安立善處或於是法未善通利或復見彼不生恭敬無有羞愧以惡威儀而來聽受或復知彼是鈍根性於廣法教得法究竟深生怖畏當生邪見增長邪執衰損惱壞或復知彼法至其手轉布非人而不施與皆無違犯

棄捨犯戒有情戒第七

若諸菩薩安住菩薩淨戒律儀於諸暴惡犯戒有情懷嫌恨心懷恚惱心由彼暴惡犯戒爲緣方便棄捨不作饒益是名有犯有所違越是深違犯若由懶惰懈怠棄捨由忘念故不作饒益是名有犯有所違越非深違犯何以故非諸菩薩於淨持戒身語意業寂靜現行諸有情所起憐愍心欲作饒益如於暴惡

犯戒有情於諸苦因而現轉者無違犯者謂心狂亂或欲方便調彼伏彼廣說如前或爲將護多有情心或護僧制方便棄捨不作饒益皆無違犯

遮罪共不共戒第八

若諸菩薩安住菩薩淨戒律儀如薄伽梵於別解脫毗奈耶中將護他故建立遮罪制諸聲聞令不造作諸有情類未淨信者令生淨

信已淨信者令倍增長於中菩薩與諸聲聞  
應等修學無有差別何以故以諸聲聞自利  
爲勝尚不棄捨將護他行爲令有情未信者  
信信者增長學所學處何況菩薩利他爲勝  
若諸菩薩安住菩薩淨戒律儀如薄伽梵於  
別解脫毗奈耶中爲令聲聞少事少業少希  
望住建立遮罪制諸聲聞令不造作於中菩  
薩與諸聲聞不應等學何以故以諸聲聞自

利爲勝不願利他於利他中少事少業少希  
望住可名爲妙非諸菩薩利他爲勝不願自  
利於利他中少事少業少希望住得名爲妙  
如是菩薩爲利他故從非親里長者居士婆  
羅門等及恣施家應求百千種種衣服觀彼  
有情有力無力隨其所施如應而受如說求  
衣求鉢亦亦如求衣鉢如是自求種種絲縷  
令非親里爲織作衣爲利他故應畜種種僑

奢耶衣諸坐臥具事各至百千生色可染百  
千俱脰復過是數亦應聚積如是等中少事  
少業少希望住制止遮罪菩薩不與聲聞共  
學安住淨戒律儀菩薩於利他中懷嫌恨心  
懷恚惱心少事少業少希望住是名有犯有  
所違越是染違犯若由懶惰懈怠忘念無記  
之心少事少業少希望住是名有犯有所違  
越非染違犯

性罪一向不共戒第九

若諸菩薩安住菩薩淨戒律儀善權方便爲  
利他故於諸性罪少分現行由是因緣於菩  
薩戒無所違犯生多功德謂如菩薩見劫盜  
賊爲貪財故欲殺多生或復欲害大德聲聞  
獨覺菩薩或復欲造多無間業見是事已發  
心思惟我若斷彼惡衆生命隨那落迦如其  
不斷無間業成當受大苦我寧殺彼隨那落

迦終不令其受無間苦如是菩薩意樂思惟於彼衆生或以善心或無記心知此事已爲當來故深生慙愧以憐愍心而斷彼命由是因緣於菩薩戒無所違犯生多功德

又如菩薩見有增上增上宰官上品暴惡於諸有情無有慈愍專行逼惱菩薩見已起憐愍心發生利益安樂意樂隨力所能若廢若黜增上等位由是因緣於菩薩戒無所違犯

生多功德

又如菩薩見劫盜賊奪他財物若僧伽物窣堵波物取多物已執爲已有縱情受用菩薩見已起憐愍心於彼有情發生利益安樂意樂隨力所能逼而奪取勿令受用如是財故當受長夜無義無利由此因緣所奪財寶若僧伽物還復僧伽窣堵波物還窣堵波若有情物還復有情又見衆生或園林主取僧伽

物窳堵波物言是已有縱情受用菩薩見已  
思擇彼惡起憐愍心勿令因此邪受用業當  
受長夜無義無利隨力所能廢其所主菩薩  
如是雖不與取而無違犯生多功德  
又如菩薩處在居家見有母邑現無繫屬習  
娼欲法繼心菩薩求非梵行菩薩見已作意  
思惟勿令心恚多生非福若隨其欲便得自  
在方便安處令種善根亦當令其捨不善業

住慈愍心行非梵行雖習如是穢染之法而  
無所犯多生功德出家菩薩為護聲聞聖所  
教誡令不壞滅一切不應行非梵行  
又如菩薩為多有情解脫命難囹圄縛難削  
手足難割鼻刖耳刺眼等難雖諸菩薩為自  
命難亦不正知說於妄語然為救脫彼有情  
故知而思擇故說妄語以要言之菩薩唯觀  
有情義利非無義利自無染心唯為饒益諸

有情故覆想正知而說異語說是語時於菩薩戒無所違犯生多功德

又如菩薩見諸有情爲惡朋友之所攝受親愛不捨菩薩見已起憐愍心發生利益安樂意樂隨能隨力說離間語令離惡友捨相親愛勿令有情由近惡友當受長夜無義無利菩薩如是以饒益心說離間語乖離他愛無所違犯生多功德

又如菩薩見諸有情爲行越路非理而行出麁惡語猛利訶擯方便令其出不善處安立善處菩薩如是以饒益心於諸有情出麁惡語無所違犯生多功德

又如菩薩見諸有情信樂倡伎吟詠歌諷或有信樂王賊飲食淫蕩街衢無義之論菩薩於中皆悉善巧於彼有情起憐愍心發生利益安樂意樂現前爲作綺語相應種種倡伎

吟詠歌諷王賊飲食淫衢等論令彼有情歡  
喜引攝自在隨屬方便獎導出不善處安立  
善處菩薩如是現行綺語無所違犯生多功  
德

求利味邪命法戒第十

若諸菩薩安住菩薩淨戒律儀生起詭詐虛  
談現相方便研求假利求利味邪命法無有  
羞恥堅持不捨是名有犯有所違越是深違

犯無違犯者若為除遣生起樂欲發勤精進  
煩惱熾盛蔽抑其心時時現起

掉動心不寂靜戒第十一

若諸菩薩安住菩薩淨戒律儀為掉所動心  
不寂靜不樂寂靜高聲嬉戲誼譁紛聒輕躁  
騰躍望他歡笑如此諸緣是名有犯有所違  
越是深違犯若忘念起非深違犯無違犯者  
若為除遣生起欲樂廣說如前若欲方便解



他所生嫌恨令息若欲遣他所生愁惱若他  
性好如上諸事方便攝受敬順將護隨彼而  
轉若他有情猜阻菩薩內懷嫌恨惡謀憎背  
外現歡顏表內清淨如是一切皆無違犯

不欣涅槃厭煩惱戒第十二

若諸菩薩安住菩薩淨戒律儀起如是見立  
如是論菩薩不應欣樂涅槃應於涅槃而生  
厭背於諸煩惱及隨煩惱不應怖畏而求斷

滅不應一向心生厭離以諸菩薩二無數劫  
流轉生死求大菩提若作此說是名有犯有  
所違越是深違犯何以故如諸聲聞於其涅  
槃欣樂親近於諸煩惱及隨煩惱深心厭離  
如是菩薩於大涅槃欣樂親近於諸煩惱及  
隨煩惱深心厭離其倍過彼百千俱胝以諸  
聲聞唯爲一身證得義利勤修正行菩薩普  
爲一切有情證得義利勤修正行是故菩薩

當勤修集無雜染心於有漏事隨順而行成  
就勝出諸阿羅漢無雜染法

惡稱譽不護雪戒第十三

若諸菩薩安住菩薩淨戒律儀於自能發不  
信重言所謂惡聲惡稱惡譽不護不雪其事  
若實而不避護是名有犯有所違越是染違  
犯若事不實而不清雪是名有犯有所違越  
非染違犯無違犯者若他外道若他憎嫉若

自出家因行乞行因修善行謗聲流布若忿  
弊者若心倒者謗聲流布皆無違犯

應行辛楚不行戒第十四

若諸菩薩安住菩薩淨戒律儀見諸有情應  
以種種辛楚加行猛利加行而得義利護其  
憂惱而不現行是名有犯有所違越非染違  
犯無違犯者觀由此緣於現法中少得義利  
多生憂惱

罵瞋等報罵等戒第十五

若諸菩薩安住菩薩淨戒律儀他罵報罵他  
瞋報瞋他打報打他弄報弄是名有犯有所  
違越是深違犯

侵犯若疑不謝戒第十六

若諸菩薩安住菩薩淨戒律儀於他有情有  
所侵犯或自不為彼疑侵犯由嫌嫉心由慢  
所執不如理謝而生輕捨是名有犯有所違

越是深違犯若由懶惰懈怠放逸不謝輕捨  
是名有犯有所違越非深違犯無違犯者若  
欲方便調彼伏彼出不善處安立善處若是  
外道若彼希望要因現行非法有罪方受悔  
謝若彼有情性好鬪諍因悔謝時倍增憤怒  
若復知彼為性堪忍體無嫌恨若必了他因  
謝侵犯深生羞恥而不悔謝皆無違犯  
他侵來謝不受戒第十七

若諸菩薩安住菩薩淨戒律儀他所侵犯彼  
還如法平等悔謝懷嫌恨心欲損惱彼不受  
其謝是名有犯有所違越是深違犯雖復於  
彼無嫌恨心不欲損惱然由稟性不能堪忍  
故不受謝亦名有犯有所違越非深違犯無  
違犯者若欲方便調彼伏彼廣說一切如前  
應知若不如法不平等謝不受彼謝亦無違  
犯

懷忿堅持不捨戒第十八

若諸菩薩安住菩薩淨戒律儀於他懷忿相  
續堅持生已不捨是名有犯有所違越是深  
違犯無違犯者爲斷彼故生起樂欲廣說如  
前

貪供事御徒衆戒第十九

若諸菩薩安住菩薩淨戒律儀貪著供事增  
上力故以愛深心管御徒衆是名有犯有所

違越是染違犯無違犯者不貪供侍無愛染  
心管御徒衆

懈怠耽睡卧倚戒第二十

若諸菩薩安住菩薩淨戒律儀懶惰懈怠耽  
睡眠樂臥樂倚樂非時非量是名有犯有所  
違越是染違犯無違犯者若遭疾病若無氣  
力行路疲弊若爲斷彼生起樂欲廣說一切  
如前應知

談說世事度時戒第二十一

若諸菩薩安住菩薩淨戒律儀懷愛染心談  
說世事虛棄時日是名有犯有所違越是染  
違犯若由忘念虛棄時日是名有犯有所違  
越非染違犯無違犯者見他談說護彼意故  
安住正念須臾而聽若事希奇或暫問他或  
答他問無所違犯

憍慢不求禪法戒第二十二

若諸菩薩安住菩薩淨戒律儀爲令心住欲  
定其心心懷嫌恨憍慢所持不詣師所求請  
教授是名有犯有所違越是深違犯懶惰懈  
怠而不請者非深違犯無違犯者若遇疾病  
若無氣力若知其師顛倒教授若自多聞自  
有智力能令心定若先已得所應教授而不  
請者無所違犯

忍受五蓋不捨戒第二十三

若諸菩薩安住菩薩淨戒律儀起貪欲蓋忍  
受不捨是名有犯有所違越是深違犯無違  
犯者若爲斷彼生起樂欲發勤精進煩惱猛  
利蔽抑心故時時現行如貪欲蓋如是瞋恚  
昏沈睡眠掉舉惡作及與疑蓋當知亦亦  
貪味靜慮爲德戒第二十四

若諸菩薩安住菩薩淨戒律儀貪味靜慮於  
味靜慮見爲功德是名有犯有所違越是深

違犯無違犯者若爲斷彼生起樂欲廣說如  
前

不許學小乘教戒第二十五

若諸菩薩安住菩薩淨戒律儀起如是見立  
如是論菩薩不應聽聲聞乘相應法教不應  
受持不應修學菩薩何用於聲聞乘相應法  
教聽聞受持精勤修學是名有犯有所違越  
是深違犯何以故菩薩尚於外道書論精勤

研究况於佛語無違犯者爲令一向習小法  
者捨彼欲故作如是說

棄菩薩藏學小戒第二十六

若諸菩薩安住菩薩淨戒律儀於菩薩藏未  
精研究於菩薩藏一切棄捨於聲聞藏一向  
修學是名有犯有所違越非深違犯

佛教未精學異道戒第二十七

若諸菩薩安住菩薩淨戒律儀現有佛教於

佛敎中未精研究於異道論及諸外論精勤  
修學是名有犯有所違越是深違犯無違犯  
者若上聰敏若能速受若經久時能不忘失  
若於其義能思能達若於佛敎如理觀察成  
就俱行無動覺者於日日中常以二分修學  
佛語一分學外則無違犯

越正法翫外論戒第二十八

若諸菩薩安住菩薩淨戒律儀越菩薩法於

異道論及諸外論研求善巧深心寶翫愛樂  
耽味非如辛藥而習近之是名有犯有所違  
越是深違犯

深真實義不信戒第二十九

若諸菩薩安住菩薩淨戒律儀聞菩薩藏於  
甚深處取勝甚深真實法義諸佛菩薩難思  
神力不生信解憎背毀謗不能引義不能引  
法非如來說不能利益安樂有情是名有犯



有所違越，是染違犯。如是毀謗，或由自內非理作意，或隨順他而作，是說。

若諸菩薩安住菩薩淨戒律儀，若聞甚深寂甚深處，心不信解，菩薩念時應強信受，應無諂曲，應如是學。我為非善，盲無慧目，於如來眼隨所宜說，於諸如來密意語言而生誹謗。菩薩如是自處無知，仰推如來於諸佛法無不現知等，隨觀見如是正行，無所違犯。雖無

信解，然不誹謗。

愛恚自讚毀他戒第三十

若諸菩薩安住菩薩淨戒律儀，於他人所有染愛，心有瞋恚，心自讚毀他，是名有犯。有所違越，是染違犯。無違犯者，若為摧伏諸惡外道，若為住持如來聖教，若為方便調彼，伏彼廣說，如前或欲令其未淨信者發生淨信，已淨信者倍復增長。

說正法不住聽戒第三十一

若諸菩薩安住菩薩淨戒律儀聞說正法論  
義決擇憍慢所制懷嫌恨心懷恚惱心而不  
往聽是名有犯有所違越是染違犯若爲懶  
惰懈怠所做而不往聽非染違犯無違犯者  
若不覺知若有疾病若無氣力若知倒說若  
爲護彼說法者心若正了知彼所說義是數  
所聞所持所了若已多聞具足聞持其聞積

集若欲無間於境住心若勤引發菩薩勝定  
若自了知上品愚鈍其惠鈍濁於所聞法難  
受難持難於所緣攝心令定不往聽者皆無  
違犯

於說法師毀笑戒第三十二

若諸菩薩安住菩薩淨戒律儀於說法師故  
思輕毀不深恭敬嗤笑調弄但依於文不依  
於義是名有犯有所違越是染違犯

所應作不爲伴戒第三十三

若諸菩薩安住菩薩淨戒律儀於諸有情所應作事懷嫌恨心懷恚惱心不爲助伴謂於能辨所應作事或於道路若往若來或於正說事業加行或於掌護所有財寶或於和好乖離諍訟或於吉會或於福業不爲助伴是名有犯有所違越是染違犯若爲懶惰懈怠所弊不爲助伴非染違犯無違犯者若有疹

疾若無氣力若了知彼自能成辨若知求者自有依怙若知所作能引非義能引非法若欲方便調彼伏彼廣說如前若先許餘爲作助伴若轉請他有力者助若於善品正勤修習不欲暫廢若性愚鈍於所聞法難受難持如前廣說若爲將護多有情意若護僧制不爲助伴皆無違犯

病若苦不供事戒第三十四

若諸菩薩安住菩薩淨戒律儀見諸有情遭  
重疾病懷嫌恨心懷恚惱心不往供事是名  
有犯有所違越是深違犯若爲懶惰懈怠所  
蔽不往供事非深違犯無違犯者若自有病  
若無氣力若轉請他有力隨順令往供事若  
知病者有依有怙若知病者自有勢力能自  
供事若了知彼長病所觸堪自支持若爲勤  
修廣大無上殊勝善品若欲護持所修善品

令無間缺若自了知上品愚鈍其惠鈍濁於  
所聞法難受難持難於所緣攝心令定若先  
許餘爲作供事如於病者於有苦者爲作助  
伴欲除其苦當知亦尔

行非理不爲說戒第三十五

若諸菩薩安住菩薩淨戒律儀見諸有情爲  
求現法後法事故廣行非理懷嫌恨心懷恚  
惱心不爲宣說如實正理是名有犯有所違

越是染違犯若由懶惰懈怠所蔽不爲宣說  
非染違犯無違犯者若自無知若無氣力若  
轉請他有力者說若即彼人自有智力若彼  
有餘善友攝受若欲方便調彼伏彼廣說如  
前若知爲說如實正理起嫌恨心若發惡言  
若顛倒受若無愛敬若復知彼性弊慳戾不  
爲宣說皆無違犯

不知恩不酬報戒第三十六

若諸菩薩安住菩薩淨戒律儀於先有恩諸  
有情所不知恩惠不了恩惠懷嫌恨心不欲  
現前如應酬報是名有犯有所違越是染違  
犯若爲懶惰懈怠所蔽不現酬報非染違犯  
無違犯者勤加功用無力無能不獲酬報若  
欲方便調彼伏彼廣說如前若欲報恩而彼  
不受者皆無違犯

失財等愁不開解戒第三十七

若諸菩薩安住菩薩淨戒律儀見諸有情隨  
在喪失財寶眷屬祿位難處多生愁惱懷嫌  
恨心不往開解是名有犯有所違越是深違  
犯若為懶惰懈怠所蔽不往開解非深違犯  
無違犯者應知如前於他事業不為助伴

求飲食等不給戒第三十八

若諸菩薩安住菩薩淨戒律儀有飲食等資  
生眾具見有求者正來希求飲食等事懷嫌

恨心懷恚惱心而不給施是名有犯有所違  
越是深違犯若由懶惰懈怠放逸不能施與  
非深違犯無違犯者若現無有可施財物若  
彼希求不如法物所不冝物若欲方便調彼  
伏彼廣說如前若來求者王所不冝將護王  
意若護僧制而不惠施皆無違犯

攝徒眾不教給戒第三十九

若諸菩薩安住菩薩淨戒律儀攝受徒眾懷

嫌恨心而不隨時無倒教授無倒教誡知衆  
匱乏而不爲彼從諸淨信長者居士婆羅門  
等如法追求衣服飲食諸坐臥具病緣醫藥  
資身什物隨時供給是名有犯有所違越是  
染違犯若由懶惰懈怠放逸不往教授不往  
教誡不爲追求如法衆具非染違犯無違犯  
者若欲方便調彼伏彼廣說如前若護僧制  
若有疹疾若無氣力不任加行若轉請餘有

勢力者若知徒衆世所共知有大福德各自  
有力求衣服等資身衆具若隨所應教授教  
誡皆已無倒教授教誡若知衆內有本外道  
爲竊法故來入衆中無所堪能不可調伏皆  
無違犯

於他不隨心轉戒第四十

若諸菩薩安住菩薩淨戒律儀懷嫌恨心於  
他有情不隨心轉是名有犯有所違越是染

違犯若由懶惰懈怠放逸不隨其轉非染違  
犯無違犯者若彼所愛非彼所宜若有疾病  
若無氣力不任加行若護僧制若彼所愛雖  
彼所宜而於衆多非宜非愛若爲降伏諸惡  
外道若欲方便調彼伏彼廣說如前不隨心  
轉皆無違犯

他有德不顯揚戒第四十一

若諸菩薩安住菩薩淨戒律儀懷嫌恨心他

實有德不欲顯揚他實有譽不欲稱美他實  
妙說不讚善哉是名有犯有所違越是染違  
犯若由懶惰懈怠放逸不顯揚等非染違犯  
無違犯者若知其人性好少欲將護彼意若  
有疾病若無氣力若欲方便調彼伏彼廣說  
如前若護僧制若知由此顯揚等緣起彼雜  
染憍舉無義爲遮此過若知彼德雖似功德  
而非實德若知彼譽雖似善譽而非實譽若



知彼說雖似妙說而實非妙若爲降伏諸惡  
外道若爲待佗言論究竟不顯揚等皆無違  
犯

可呵責等不作戒第四十二

若諸菩薩安住菩薩淨戒律儀見諸有情應  
可呵責應可治罰應可驅擯懷染污心而不  
呵責或雖呵責而不治罰如法教誡或雖治  
罰如法教誡而不驅擯是名有犯有所違越

是染違犯若由懶惰懈怠放逸而不呵責乃  
至驅擯非染違犯無違犯者若了知彼不可  
療治不可與語喜出麁言多生嫌恨故應棄  
捨若觀待時若觀因此鬪訟諍競若觀因此  
令僧誼雜令僧破壞知彼有情不懷諂曲成  
就增上猛利慙愧疾疾還淨而不呵責乃至  
驅擯皆無違犯

應恐怖等不作戒第四十三

若諸菩薩安住菩薩淨戒律儀具足成就種  
種神通變現威力於諸有情應恐怖者能恐  
怖之應引攝者能引攝之避信施故不現神  
通恐怖引攝是名有犯有所違越非染違犯  
無違犯者若知此中諸有情類多著僻執是  
惡外道誹謗賢聖成就邪見不現神通恐怖  
引攝無有違犯  
又一切處無違犯者謂若彼心增上狂亂若

重苦受之所逼切若未曾受淨戒律儀當知  
一切皆無違犯

若諸菩薩從他正受戒律儀已由善清淨求  
學意樂菩提意樂饒益一切有情意樂生起  
寂極尊重恭敬從初專精不應違犯設有違  
犯卽應如法疾疾悔除令得還淨

如是菩薩一切違犯當知皆是惡作所攝應  
向有力於語表義能覺能受小乘大乘補特

伽羅發露悔滅若諸菩薩以上品纏違犯如上他勝處法失戒律儀應當更受若中品纏違犯如上他勝處法應對於三補特伽羅或過是數應如發露除惡作法先當稱述所犯事名應作是說長老專志或言大德我如是名違越菩薩毗奈耶法如所稱事犯惡作罪餘如苾芻發露悔滅惡作罪法應如是說若下品纏違犯如上他勝處法及餘違犯應對

於一補特伽羅發露悔法當知如前若無隨順補特伽羅可對發露悔除所犯小時菩薩以淨意樂起自誓心我當決定防護當來終不重犯如是於犯還出還淨

復次如是所犯諸事菩薩學處佛於彼彼素咀纜中隨機散說謂依律儀戒攝善法戒饒益有情戒今於此菩薩藏摩咀理迦綜集而說菩薩於中應起尊重住極恭敬專精修學

菩薩戒經終

明治十四年五月十七日翻刻御届  
同十五年六月刻成

真言宗法務所藏版

定價金拾五錢

真言宗法務出張所

右幹事

權少講義伊藤淨音


東京府本郷區湯島切通  
十卷番地根生院中

東京府平民

製本發兌所

木村江佐七

飯倉町五丁目



171  
2

017310-000-9

171-2

瑜伽戒本

玄奘/訳

M15.6

ABE-0739

